


Bibel fa Kjinja
brinjt junt

De Veloarna Sän



Jeschräwen von: Edward Hughes

Jemolt von: Alastair Paterson; Lazarus

Toom Pauss jestalt von: Ruth Klassen un Sarah S.

Äwasat von: Ed Zacharias

Hääjestalt von: Bible for Children
www.M1914.org

©2020 Bible for Children, Inc.


Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Jesus vetalt wellich
daut Gott vejäwen
deit. De Leida
grunsten daut hee sikj
met Sinda aufjeef.
Dan vetald Jesus dree
Jeschichten toom
wiesen daut Gott sikj
freit wan een Sinda
siene Sind leet woat.



De ieeschte Jeschicht wia von een Maun
de hundat Schop haud. Eent velua
sikj. De Hoad veleet fuaz de 99,
un jinkj daut eene sieekjen, daut
wajch wia.





De Hoad socht soo lang
bat hee daut Schop
jefungen haud. Dan
druach hee daut opp
siene Schulren nohus
un freid sikj. Hee
roopt siene Frind un
säd, "Freit junt met
mie, wiels ekj hab

mien veloarnet
Schop jefungen."



Jesus säd daut
daut eene groote
Freid em Himmel
jeft wan een
Sinda sikj
omkjeet, wan
am de Sind
leet es, un
daut schljachte
nich mea deit.





Jesus siene tweede
Jeschicht wia von eene
Fru dee tieen selwane
Zenten haud. Dee
wieren ar vâl wieet.
Dan kjeem de
Trubbel: see
velua eent von
de Zenten.



Fäaj! Fäaj! Fäaj! De Taunte
socht aulawäajen.



Schliesslich funk see daut Zent.
See freid sikj sea, un meest nich,
see vetalt aul äare Frind daut.





Jesus säd
wada, "De
Enjel bie
Gott freien
sikj wan een
Sinda
omkjeet."




De dredde Jeschicht dee
Jesus vetald haud waut
sea truajet. Daut wia
von een Jung dee
von Tus jinkj.



Wiet auf en een aundret Launt vebrukt de Jung
sien Jelt onweis. Waut sull hee nu? Oba daut
wort noch schlemma: doa wia eene Hungasch
Noot. Wudd hee
doa stoawen?



Wiels am soo hungad jinkj hee bie een Foarma
Schwien foodren. Oba hee kjrieech kjeen Äten.
Am jankad daut Schwiens Fooda. Veleicht eet hee
daut uk. Met de Tiet besonn de Jung sikj. Hee
docht, "Tus äten soogoa onse Deena goot."







"Ekj woa nohus gonen,
un mien Voda sajen
daut mie miene Sind
leet es. Ekj sie nich
goot jenuach toom
dien Sän sennen, oba
veleicht kaun ekj hia
een Deena sennen."



Noch een Enj von Tus, sach sien Voda am komen.
Met Freid rand hee no sien Sän. Hee jeef am een
Kuss un drekjt am goot.





"Mien Voda, ekj wia orrajcht. Ekj sie nich goot jenuach toom dien Sän sennen." Hee wull sikj aunbeeden toom aus een Deena oabeiden, oba de Voda leet am nich. "Brinjt Sindoagsche Kjeleda un Schoo, un een Rinkj fa mien Sän. Moakt een Fast reed!"



See hauden een sea scheenet Fast, wiels de
Sän dee veloaren wast wia, wia jefungen.

Jesus vetald daut toom
wiesen woo jieren
Gott een Sinda
oppnemt wan hee
sikj omkjeet.



De Veloarna Sän

Eene Jeschicht von en daut Wuat Gottes,
de Bibel

finjt eena en

Lukas 15

"Wan dien Wuat openboat woat,
jefst daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmel! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

